

金

匱

縣

解

金匱懸解白序

仲景先師著金匱玉函要略一書。垂諸雜病之法。以約言而析元理。玉楸子神宇天光。自負解者。乃參伍悅研。三載於茲。眞宰恍惚。未得其朕。百家諸子之論。率皆過目而冰銷入耳。而瓦解。茲獨驚怖其言。譬猶河漢無極。其義何居。南華之奇。太元之奧。可謂俶詭幻怪之至矣。然何至如此之結轡不解也。仲景先師憂念元元。康濟後來。知其解者。且暮遇之。千百年來。竟索解人不得。此眞欲廣交通恨事已。戊辰孟秋。旣成傷寒懸解。乃復凝思洗慮。入此堅白。心遊萬仞。精騫八極。八

月未望。又告成功。靈思妙悟。離披紛來。幽理元言。絡繹奔會。向解傷寒。心枯神瘁。幾於白鳳朝飛。綵霞夜去。詎以強弩之末。遂此虎發石開。是亦千古之奇也。蓋揚莊之文。義淺而辭深。金匱之書。言顯而理晦。非精於靈素之理者。不能解金匱之言。昧其理而求其言。是以幽冥而莫覩其原。註金匱者。蕙質而蓮心。金口而木舌。是皆今日適越而昔來者也。僕也身登會稽。親探禹穴。目觀越國江山。知昔日之來者。岐路迷同。自謂適越而非也。嗟乎。扁鵲流譽於鍼石。和緩飛聲於方藥。彼豈樂此而爲之。丈夫有志。蔚淪奧深。胸臆結約。何以爲歡。

永惟醫經藥錄先聖之元非第消永日而遺牢思抑亦康濟
斯民之術也由是刻心刻意而書傳焉至於詞賦詩歌之麗
雕蟲篆刻之工詹詹小言間間小智壯夫何心而爲此也

戊辰八月昌邑黃元御撰

欽定四庫全書總目提要

金匱懸解二十二卷編修周永年藏本

元御謂張機著金匱玉函經以治內傷雜病大旨主於扶陽氣以爲運化之本。白滋陰之說勝而陽自陰升陰由陽降之理迄無解者。因推明其意以成此書於四診九候之法言之頗詳。

金匱懸解目錄

卷一

藏府經絡 十六章

卷二

五藏風寒積聚 二十一章

薑甘苓朮湯 一

麻仁丸 二
方見傷寒

卷三

中風歷節 九章

中風 三章

歷節 六章

桂枝芍藥知母湯 三

烏頭湯四
附方千金礬石湯一

卷四

瘧瘼 二十七章

瘧 十三章

苦棗桂枝湯 五

葛根湯 六
方見傷寒

大承氣湯七

溼十一章

麻黃加朮湯八

麻杏薤甘湯九

防己黃耆湯十

桂枝附子湯十一
方見傷寒

去桂枝加白朮湯十二
方見傷寒

甘草附子湯十三

喝三章

白虎加人參湯

十四
方見傷寒

瓜蒂湯

十五

卷五

瘧病

五章

白虎加桂枝湯

十六

蜀漆散

十七

鱉甲煎丸

十八

附方外臺去半夏加苦葶根湯

二

外臺柴胡桂枝湯

三

卷六

百合狐惑陰陽毒 十五章

百合 九章

百合知母湯 十九

滑石代赭湯 二十

百合雞子湯 二十一

百合地黃湯 二十二

百合洗方 二十三

苦蘗牡蠣散 二十四

百合滑石散 二十五

狐惑 二章

甘草瀉心湯 二十六
方見傷寒

苦參湯 二十七

雄黃散 二十八

赤小豆當歸散 二十九

陽毒 一章

升麻鱉甲湯 三十

陰毒 一章

升麻鳖甲去雄黃蜀椒湯 三十一

卷七

血痹虛勞 十八章

血痹 二章

黃耆桂枝五物湯 三十二

虛勞 十六章

桂枝龍骨牡蠣湯 三十三

小建中湯 三十四

黃耆建中湯 三十五

五
日
藥
方
驚悸丸 三十六

酸棗湯 三十七

大黃鹽麤丸 三十八

附方

千金翼炙甘草湯 四
方見傷寒

卷八

驚悸吐衄下血瘀血 十七章

驚悸 四章

桂枝去芍藥加劉涪龍骨牡蠣救逆湯 三十九
方見傷寒

半夏麻黃丸 四十

吐衄下血瘀血 十四章

大黃黃連瀉心湯 四十一
方見傷寒

柏葉湯 四十二

黃土湯 四十三

卷九

奔豚 四章

奔豚湯 四十四

桂枝加桂湯 四十五
方見傷寒
桂枝甘草湯 四十六
方見傷寒

卷十

水氣 三十二草

越脾湯 四十七

防己茯苓湯 四十八

越婢加朮湯 四十九

甘草麻黃湯 五十

麻黃附子湯 五十一
方見傷寒

杏子湯 五十二
原方缺取麻杏甘石湯補見傷寒

黃芩芍藥桂枝酒湯五十三
杜枝加黃耆湯五十四

桂甘瀉棗麻附細辛湯 五十五

枳朮湯 五十六

卷十一

消渴小便不利淋 十三章

文蛤散 五十七
方見傷寒

猪苓湯 五十八
方見傷寒

腎氣丸 五十九

苦養瞿麥丸 六十

蒲灰散 六十一

滑石白魚散 六十二

茯苓戎鹽湯 六十三

卷十二

黃疸 二十三章

茵陳蒿湯 六十四

梔子大黃湯 六十五

硝礬丸 六十六

茵陳五苓散 六十七

猪膏髮煎 六十八

大黃硝石湯 六十九

卷十三

嘔吐噦下利 四十九章

嘔吐噦 二十四章

大半夏湯 七十

茯苓澤泄湯 七十一

文蛤湯 七十二

猪苓湯 七十三

大黃甘草湯 七十四

四逆湯 七十五
方見傷寒

小柴胡湯

方見傷寒七十六

半夏泄心湯

方見傷寒七十七

吳茱萸湯

方見傷寒七十八

半夏乾薑湯

七十九

黃芩加半夏生薑湯

八十
見傷寒

生薑半夏湯

八十一

橘皮湯

八十二

橘皮竹茹湯

八十三

下利

二十五章

桂枝湯

八十四
方見傷寒

通脈四逆湯

八十五
方見傷寒

訶黎勒散

八十六

紫參湯

八十七

梔子豉湯

八十八
方見傷寒

小承氣湯

八十九
方見傷寒

白頭翁湯

九十
方見傷寒

桃花湯
九十一
方見傷寒
附方 外臺黃連湯五

卷十四

痰飲咳嗽

三十七章

苓桂朮甘湯

九十二
方見傷寒

甘遂半夏湯

九十三

已椒瀝黃丸

九十四

十棗湯

九十五

大青龍湯

九十六
方見傷寒

小青龍湯

九十七
方見傷寒

木防己湯

九十八

木防己去石薢加茯苓芒硝湯

九十九

五苓散

一百

方見傷寒

小半夏加茯苓湯

百一

澤泄湯

百二

小半夏湯

百三

厚樸大黃湯

百四

桂苓五味甘草湯

百五

桂甘五味薑辛湯

百六

苓甘五味加薑辛半夏湯

百七

苓甘五味加薑辛半夏杏仁湯

百八

苓甘五味加薑辛半杏大黃湯 百九

附方 外臺茯苓散 六

卷十五

肺痿肺癰咳嗽上氣 十三章

肺痿肺癰 五章

甘草乾薑湯 百十
方見傷寒

桔梗湯 百十一

葶藶大棗瀉肺湯 百十二

咳嗽上氣 八章

越脾加半夏湯 百十三

小青龍加石膏湯 百十四

厚樸麻黃湯 百十五

澤漆湯 百十六

射干麻黃湯 百十七

麥門冬湯 百十八

皂莢丸 百十九

附方 千金生薑甘草湯 七

附方 外臺桔梗白散 八

卷十六

胸痹心痛短氣九章

苦瓠薤白白酒湯百二十

苦瓠薤白半夏湯百二十一

枳實薤白桂枝湯百二十二

人參湯百二十三

茯苓杏仁甘草湯百二十四

橘枳生薑湯百二十五

薏苡附子湯百二十六

桂枝生薑枳實湯

百二十七

烏頭赤石脂丸

百二十八

附方九痛丸

九

卷十七

腹痛寒疝宿食

二十五章

腹滿

十七章

附子粳米湯

百二十九

大建中湯

百三十

赤丸

三十一

大黃附子丸 百三十二

厚樸七物湯 百三十三

厚樸三物湯 百三十四 即小承氣湯而分兩不同

大柴胡湯 百三十五

方見傷寒

寒疝 三章

大烏頭煎 百三十六

烏頭桂枝湯 百三十七

當歸生薑羊肉湯 百三十八

宿食 五章

瓜蒂散

百三十九方見傷寒

附方

外臺柴胡桂枝湯

卷十八

跌蹶手指臂腫轉筋狐疝蛇蟲七章

跌蹶一章

手指臂腫二章

藜蘆甘草湯百四十

轉筋一章

雞屎白散百四十一

狐疝 一章

蜘蛛散 百四十二

虺蟲 三章

甘草粉蜜湯 百四十三

烏梅丸 百四十四

卷十九

瘡癰腸癰浸淫 七章

大黃牡丹皮湯 百四十五

薏苡附子敗醬散 百四十六

排膿湯 百四十七

排膿散 百四十八

王不留行散 百四十九

黃連粉 百五十

卷二十

婦人妊娠 十一章

桂枝茯苓丸 百五十一

附子湯 百五十二
方見傷寒

膠艾湯 百五十三

當歸芍藥散 百五十四

乾薑人參半夏湯 百五十五

當歸貝母苦參丸 百五十六

葵子茯苓散 百五十七

當歸散 百五十八

白朮散 百五十九

卷二十一

婦人產後 十一章

枳實芍藥散 百六十

下瘀血湯 百六十一

竹葉湯 百六十二

竹皮大丸 百六十三

白頭翁加甘草阿膠湯 百六十四

附方 千金三物黃芩湯 十一

附方 千金當歸建中湯 十二

卷二十二

婦人雜病 二十二章

旋覆花湯 百六十五

膠薑湯

百六十六

抵當湯

百六十七

溫經湯

百六十八

土瓜根湯

百六十九

礬石丸

百七十

甘麥大棗湯

百七十一

半夏厚樸湯

百七十二

紅藍花酒

百七十三

大黃甘遂湯

百七十四

蛇床子散 百七十五

狼牙湯 百七十六

全圖隱解卷一

昌邑黃元御坤載者

藏府經絡

藏府經絡隱不可見。然有其外者。焉若聲臭色脈。若寒熱痛癢。若喜怒哀憎。若便溺飲食。是皆可叩顯以知微者也。但粗工不解耳。先師張仲景究天人之際。通神明之德。於藏府經絡之內。示望聞問切之法。是亦長桑見物之神丹。太真燭怪之靈犀也。古聖賢四診元機。悉在於此。此論不可不熟也。昌邑黃元御

藏府經絡

問曰上工治未病何也師曰夫治未病者見肝之病知肝傳脾當先實脾四季脾王不受邪卽勿補之中工不曉相傳見肝之病不解實脾惟治肝也餘藏準此

五行生尅肝木尅土脾土尅水腎水尅火心火尅金肺金尅木尅其所勝故以病傳之見肝之病知脾土當被賊先實其脾是謂未病而早醫土王四季其時脾不受邪卽勿補之中工未曉相傳之義見肝治肝是以肝病未已脾病復起餘藏準此類推

藏府經絡二

問曰。病有急當救裏救表者。何也。師曰。病醫下之。續得下利。清穀不止。身體疼痛者。急當救裏。後身體疼痛。清便白調者。急當救表也。

此段見傷寒太陽篇。而語稍不同。傷寒表病。醫誤下。泄其脾陽。續得下利。清穀不止。而身體疼痛。表證猶在者。表裏俱病。然急當救裏。救裏之後。身體疼痛。表證未解。清便白調。裏證已愈。然後急當救表也。

藏府經絡三

夫病痼疾。加以卒病。當先治其卒病。後乃治其痼疾也。
病有新舊。治有先後。此定法也。

藏府經絡四

問曰。經云。厥陽獨行。何謂也。師曰。此爲有陽無陰。故稱厥陽。
陽性上行。有陰以吸之。則升極而降。陰性下行。有陽以嚙
之。則降極而升。有陽無陰。則陽有升而無降。獨行於上。故
稱厥陽。

藏府經絡五

問曰。陽病十八。何謂也。師曰。頭痛。項腰脊臂脚掣痛。陰病十

八何謂也。師曰：咳上氣喘，噎咽，痛腸鳴，脹滿心痛，拘急，五藏病各有十八，合爲九十病人。又有六微，微有十八病，合爲一百八病。五勞七傷，六極，婦人三十六病，不在其中。清邪居上，濁邪居下，大邪中表，小邪中裏，榮衛之邪從口入者，宿食也。五邪中人，各有法度。風中於前，寒中於背，濕傷於下，霧傷於上，風令脈浮，寒令脈緊，霧傷皮膚，溼流關節，食傷脾胃，極寒傷經，極熱傷絡。榮與衛同

經絡在外爲陽，頭項腰脊臂脚六者，聖病，是陽經之六病。陽有三陽：太陽、陽明、少陽三經，一經六病，三六十八。此陽

病之十八也。五藏在內爲陰。欬嗽上氣喘促。噦逆咽痛。腸鳴腹滿。心痛拘急。是謂陰藏之六病。陰有三陰。太陰少陰厥陰三經。一經六病。三十六十八。此陰病之十八也。五藏之病。非第各有十八。一藏之病。虛則六氣乘我。實則我乘六氣。合之本氣自病。亦有六條。是亦三十六十八。五藏病各有十八。合爲九十病。人又有六微難經。心脈甚急者。肝邪干心也。心脈微急者。膽邪干小腸也。凡藏邪則甚。府邪則微。故六府之病。謂之六微。一府之病。虛則六氣乘我。實則我乘六氣。合之本氣自病。亦有六條。是又爲三十六十八。六府

病各有十八合爲一百八病也。此三陰三陽五藏六府之中於五邪虛實相乘之大數也。五勞五藏之勞病六極六府之極病。七傷飲食憂勞飢飽房室經絡營衛氣血之損傷。五勞七傷解見虛勞婦人三十六病解見婦人經產後虛勞皆本內傷不關外邪故另當別論。不在其中。五邪維何。清邪居於上濁邪居於下。大邪中於表小邪中於裏。榮衛之邪從口入者宿食也是謂五邪。五邪中人各有一定之法度。風爲大邪中於身前多得之曰早寒爲小邪中於身後多得之曰暮濕爲濁邪傷於下焦霧爲清邪傷於上部此五邪中人之部

位也。風則令脈浮虛，是爲大邪之中表。寒則令脈緊急，是爲小邪之中裏。霧則傷其皮膚，居於上而中於表。濕則流於關節，居於下而中於裏。食則傷其脾胃，入於口而中於中。此五邪中人之處所也。邪雖有五，不過寒熱二者而已。五邪中人，總之極寒則內傷於經，極熱則外傷於絡也。

藏府經絡六

問曰：病人有氣色見於面部，願聞其說。師曰：鼻頭色青，腹中痛，苦冷者死。鼻頭色微黑者，有水氣。色黃者，胸上有寒。色白者，亡血也。設微赤，非時者死。其目正圓者，瘕，不治。又色青爲

痛色黑爲勞。色赤爲風。色黃者便難。色鮮明者有留飲。

靈樞五閱五使。脈出於氣口。色見於明堂。靈樞五色。明堂者鼻也。青爲木色。鼻頭色青。是木邪尅土。當腹中痛。若腹裡苦冷者。則水寒木枯。土敗火熄。於法當死。黑爲水色。鼻頭色微黑者。跌陽則負。水反侮土。必有水氣。黃爲土色。鼻雖土位。而實藏於肺。肺位在胸。色黃者。土冷胃逆。傳於肺部。法應胸上有寒也。白爲金色。木藏血而主色。色白者。血亡木枯。而金氣乘之。故白而不華。傷寒脈法。所謂面白脫血也。設色見微赤。而非其應見之時者。則死。蓋亡血之家。

原於土敗胃逆肺金失斂。又見赤色則火不歸水。逆刑肺金而吐衄之病無有止期。是其中氣消崩陽根下斷。必主死也。足太陽之脈起於目內眥。上顙下項而行身後。素問診要經終論太陽之脈其終也。戴眼反折瘈瘲。瘈瘲急瘈瘲緩瘈瘲者頸項急強脊背反折。緣太陽之脈屈而不伸也。筋脈急縮上引目系開而不閉。故其目正圓直視不瞬。此太陽之脈終故不治也。又青爲木色木枯則衝擊而爲痛。黑爲水色水寒則虛損而爲勞。黃爲土色土濕則鬱結而便難。鮮明爲留飲之色。留飲在胃故鮮明而不黯淡也。此望而知之之法也。

諸病在藏欲攻下之隨其所應得而攻之如渴者是內有濕邪格其君相之火上燥肺金應得猪苓湯則按法與之也餘皆倣此

此亦問而知之法也

藏府經絡十二

師曰寸口脈動者因其旺時而動假令肝旺色青四時各隨其色脈肝色青而反色白非其時色脈皆當病

寸口脈動者因其時旺而動如木旺於春則肝脈動火旺於夏則心脈動金旺於秋則肺脈動水旺於冬則腎脈動土旺於四季則脾脈動也動者一氣獨旺鼓動有力也脈

既應時。色亦應脈。四時各隨其色。假令肝旺。則色應青。而反色白。是木衰而金賊之也。凡色不應脈。皆當病也。此望之切而知之之法也。

藏府經絡十三

問曰。有未至而至。有至而不至。有至而不去。有至而太過。何謂也。師曰。冬至之後。甲子夜半。少陽起。少陽之時。陽始生。天氣溫和。以未得甲子。天因溫和。此爲未至而至也。以得甲子。而天未溫和。此爲至而不至也。以得甲子。而天大寒不解。此爲至而不去也。以得甲子。而天溫和如盛夏五六月時。此爲至

而太過也

難經冬至後得甲子少陽旺復得甲子陽明旺復得甲子
太陽旺復得甲子太陰旺復得甲子少陰旺復得甲子厥
陰旺各六十日六六三百六十日以成一歲此天人之
所同也五德之序成功者退將來者進冬至之後甲子之
日夜半子時少陽初起少陽之時一陽始生天氣漸向暖
和節候之正也以未得甲子而天遽溫和來氣太早此爲
未應至而已至也已得甲子而天未溫和來氣太遲此爲
應至而不至也以既得甲子而天大寒不解此爲已至而

不去也。以方得甲子。天溫如盛夏五六月時。此爲應至而太過也。此天氣之不正。天人同氣。人之六氣。隨天之六氣而遞遷也。難經少陽之至。乍大乍小。乍短乍長。陽明之至。浮大而短。太陽之至。洪大而長。太陰之至。緊大而長。少陰之至。緊細而微。厥陰之至。沈短而軟。人氣不正。則脈不應時。而太過不及之診見矣。此切而知之之法也。

藏府經絡十四

師曰。病人脈浮者在前。其病在表。浮者在後。其病在裏。腰痛背強不能行。必短氣而極也。

寸在前主表尺在後主裏病人脈浮者在前其病在表浮者在後其病在裏表病則腰痛背強不能行太陽行身之背挾脊抵腰而足足也裏病則短氣而極手太陰肺主中氣而行呼吸也前後俱浮則表裏俱病肺之藏與太陽之經氣逆而不降也

此亦切而行之法也

藏府經絡十五

問曰寸口脈沈大而滑沈則爲實滑則爲氣實氣相搏厥氣入藏卽死入府卽愈此爲卒厥何謂也師曰唇口青身冷爲入藏卽死如身和汗自出爲入府卽愈

搏從官切音團說文闕也

寸口脈沈大而滑。沈則爲腎水之實。滑則爲肝木之氣。此緣水寒木陷。鬱而欲升。故見沈滑。實氣相搏。必傷血氣。血氣傷深而入藏。卽死。傷淺而入府。卽愈。此爲卒然厥仆。何以辨其入藏入府。或死或愈也。蓋脾竅於口。而主肌肉。唇舌者。肌肉之本也。唇口青。是土敗而木賊。身冷。是火敗而水旺。此爲藏陰之盛。入藏卽死也。此亦切而知之之法也

藏府經絡十六

問口脈脫入藏卽死。入府卽愈。何謂也。師曰。非爲一病。百病皆然。譬如浸淫瘡。從口起。流向四肢者。可治。從四肢流來入

口者不可治病在外者可治入裏者卽死。

脈脫者脈虛脫而不實也。入藏者陰勝則死。入府者陽勝則愈。病向外者傷淺可治。入裏者傷深則死。浸淫瘡解見

瘡癰

此亦切而知之之法所謂因診也

夫人稟五常因風氣而生長。風氣雖能生萬物亦能害萬物。如水能載舟亦能覆舟。若五藏元真通暢人卽安和。客氣邪風中人多死。千般災難不越三條。一者經絡受邪入藏府爲內所因也。二者四肢九竅血脈相傳壅塞不通爲外皮膚所中也。三者房室金刀蟲獸所傷以此詳之病由都盡。若人能

養靜不令邪風干忤經絡適中經絡未流傳府藏即醫治之
四肢才覺重滯即導引吐納針灸薄糜勿令九竅閉塞更能
無犯王法飭獄災傷房室勿令竭之飲食節其冷熱苦辛酸
甘不造形體有衰病則無出入其腠理腠者是三焦通會元
真之處爲血氣所注理者是皮膚藏府之文理也

黃氏無此條依要略本補之以待考焉

金匱懸解卷二

外感

昌邑黃元御坤載著

五藏風寒積聚

五藏風寒積聚虛邪之外感本氣之內傷者也風雨之邪傷於上清濕之邪傷於下飲食喜怒之邪傷於中表邪外襲裏邪內應兩虛相逢留而不去此積聚之所由來也積者血多而氣少難經所謂血滯而不濡者也聚者氣多而血少難經所謂氣留而不行者也心病於上腎病於下肺病於右肝病於左脾病於中五藏之積聚各有其部此三

焦所由分也。既成積聚，不得不用消磨。仲景未嘗立法，然大黃廔蟲、桂枝茯苓、抵當湯丸、蠶甲煎丸、下瘀血湯之類，具載諸篇，審宜而選用之可也。

五藏風寒一

肺中風者，口燥而喘，身重而重，言而腫脹。

肺主氣，氣化津。肺風者，風邪在表，肺氣壅塞，是以發喘，氣滯津凝，是以口燥。風鬱動而外泄，故身體旋運，氣收斂而內閉，故身體遲重。陽遏而不能外達，故昏昏無覺，氣滯而不能四通，故腫脹不消。

五藏風寒二

肺中寒吐濁涕

肺主皮毛寒侵皮毛表氣鬱塞肺無降路逆衝上竅清氣淫溢則化痰涕濁少則出於鼻多則吐於口也

五藏風寒三

肺死藏浮之虛按之弱如葱葉下無根者死

肺死藏者肺之真藏脈也肺脈浮而濇蓋金降於水則脈沈濇者將沈而未沈氣之方收而未藏者也若浮取之虛飄重按之弱如葱葉之中空下無根者是肺金之衰敗而

不降也。此謂真藏脈。真藏見則死。素問平人氣象論死肺脈來如物之浮如風吹毛曰肺死。玉機真藏論真肺脈至大而虛如以毛羽中人膚卽此義也。

五藏風寒四

肝中風者頭目瞤兩脇痛行常偃令人嗜甘

瞤備純切說文目動偃委羽切

說文
僂也

肝爲厥陰風木肝中風者木鬱風動筋脈振搖故頭目瞤肝脈行於兩脇肋經氣壅塞故兩脇痛筋脈急燥則行常僂俯木燥而尅土土虛則嗜甘土味甘也。

五藏風寒五

肝中寒者兩臂不舉舌本燥善太息胸中痛不得轉側食則吐而汗出也。

足之三陰自足走胸手之三陰自胸走手肝中寒者足之厥陰下陷手之厥陰上逆手厥陰之脈入肘下臂兩臂無氣故痿而不舉靈樞本經肝者筋之合也筋者聚於陰器而脈絡於舌本木陷風生故舌本燥靈樞經脈膽足少陽之經是動則病口苦善太息肝膽同氣陽盛則怒陰盛則悲也肝脈上貫膈風木鬱衝故胸中痛厥陰行身之側經

氣鬱塞轉則痛生故不得轉側脾土被刑飲食不化故食則吐逆食下之時土困肝鬱風木疏泄是以汗出也

五藏風寒六

肝死藏浮之弱按之如索不來或曲如蛇行者死

肝死藏者肝之真藏脈也肝脈弦而滑蓋甲木降於水而乙木升於火升於火則脈浮滑者將浮而未浮氣之方生而未長者也若浮取之而弱重按之如索不來或曲如蛇行者是肝木之頽敗而不升也如索不來者如繩索空懸輕飄遊移按之應手而去如不能復來厥指也如蛇行者木暢則直一曲一直謂而不暢故其狀如蛇行也平人氣象論死

肝脈來急益勁如新張弓弦曰肝死玉機真藏論真肝脈至中外急如循刀刃責責然如按瑟琴絃彼乃肝脈之太過此乃肝脈之不及者也

五藏風寒

肝者其人常欲蹈其胸上先未苦時但欲飲熱旋覆花湯主之

方在婦人雜病

肝著者肝氣痺著而不舒也肝愈鬱而風愈動風木蕩搖神魂懸虛故欲人蹈其胸上先未苦時水寒木燥故但欲飲熱旋覆花湯旋覆新絳行血而清風葱白通經而泄滯

也。

五藏風寒入

心中風者。翁翁發熱。不能起。心中饑。食即嘔吐。

心中風者。火鬱上炎。故翁翁發熱。熱則傷氣。故虛乏。身不能起。心液消耗。空洞虛餒。故心中常飢。心火既升。胃氣必逆。緣火不歸水。水寒則土濕。故也。胃氣上逆。故食即嘔吐。

五藏風寒九

心中寒者。其人苦病。心如噉蒜狀。劇者。心痛徹背。背痛徹心。譬如蟲注。其脈浮者。自吐乃愈。

金之味辛。心中寒者。火衰不能制金。金反侮火。故心中時作辛味。劇者。寒水尅火。故心痛徹背。背痛徹心。譬如蟲注之痛楚也。其脈浮者。寒瘀胸膈。必自吐。乃愈也。

五藏風寒十

心傷者。其人勞倦。卽頭面赤而下重。心中痛。而白煩發熱。常臍跳。其脈弦。此爲心藏傷所致也。

心爲水傷。心者火也。心傷者。一遇勞倦。卽火上炎而頭面赤。水下凝而腿足重。寒氣逆衝而心痛。熱氣升鬱而白煩。火上鬱而發熱。水下鬱而臍跳。其脈弦而不能洪。此爲心

藏傷於寒水所致也。弦爲肝脈。肝者心之母。心脈浮洪。木不生火。故心脈不洪而反弦也。

五藏風寒十一

邪入使魂魄不安者。血氣少也。氣血少者。屬於心。心氣虛者。其人則提。合目欲眠。夢遺行。而精神離散。魂魄妄行。陰氣衰者。爲癰陽氣衰者。爲狂。

靈樞本神。心藏脈。脈舍神。腎藏精。精舍志。肝藏血。血舍魂。肺藏氣。氣舍魄。邪入使魂魄不安者。肝肺之血氣少也。血氣少者。屬於心。以血者。自陰而之陽。水升而化火。則生血。氣者。自陽而之陰。火降而化水。則生氣。氣血皆緣於火。故

氣血少者，由於心火之虛也。心氣虛則腎水勝火，腎之志爲恐。緣火盛則神氣升達而爲喜，水盛則神氣淪陷而爲恐。故水勝火者，其人則恐；水寒火敗，則火飛而水沈，金逆而木陷，火升水沈，則神飛而精走，金逆木陷，則魄蕩而魂馳。故台目欲眠夢遠行，而精神離散，魂魄妄行，以水火之不濟，金木之不交也。精魄陰也，陰氣衰者，則志迷而爲癡；神魂陽也，陽氣衰者，則神亂而爲狂。難經：重陰則癰，重陽則狂。言與此殊，而實則同也。益濁降則爲陰，陰愈盛則愈寒；清升則爲陽，陽愈盛則愈躁。故陽降而爲濁陰，陰升而

全日集角 卷二
爲清陽陽清則化神陰濁則化精而神根於精坎之陽也
水陰而抱陽故精溫而不癩精根於神離之陰也火陽而
含陰故神清而不狂狂者君火不降雖上熱如爐實陽虛
而非陽盛也癩者癸水不升雖下寒如冰實陰虛而非陰
盛也。

五藏風寒十二

心死藏浮之實如麻豆按之益躁疾者死。

心死藏者心之真藏脈也君火下降則心位清虛而不實
難經所謂浮大而散者心也若浮取之實如麻豆重按之

益覺躁疾者是心火之升炎而不降也。平人氣象論：死心脈來前曲後倨如操帶鉤曰心死。玉機真藏論：真心脈至堅而搏如循薤子累累然，卽此義也。

五藏風寒十三

腎着之病，其人身體重，腰中冷，如坐水中，形如水狀，反不渴，小便自利，飲食如故，病屬下焦。身勞汗出，衣裏冷溼，久久得之。腰以下冷痛，腹重如帶五千錢，藟甘苓朮湯主之。

腎着者，腎氣痺着而凝洩也。水盛陰旺，故身體遲重，腰中寒冷，如坐水中。水漬經絡，故形如水病之狀，似乎浮腫。水

旺土溼故反不渴水不在於藏府故小便自利飲食如故其病在腎屬於下焦原因身勞汗出衣裏沾濡冷溼冷溼之氣久之入腠理而浸經絡同氣相感故令腎氣痺著而成此病腎位在腰自腰以下陰冷痛楚土位在腹水旺侮土故腰腹重如帶五千錢也姜甘苓朮湯姜苓溫中而泄水甘朮培土而去濕也

乾薑苓朮湯

乾薑 四兩 甘草 二兩 茯苓 四兩 白朮 二兩

右四味以水五升煮取三升分溫三服腰中卽溫

五藏風寒十四

腎死藏浮之堅按之亂如轉丸益下入尺者死。

腎死藏者腎之真藏脈也。癸水升於丁火則水位泮渙而不結。若浮取之而堅重按之亂如轉丸益下入尺者是腎水之下沈而不升也。平人氣象論死腎脈來發如奪索辟辟如彈石曰腎死。玉機真藏論真腎脈至搏而絕如指彈石辟辟然即此義也。腎無中風寒者心腎同經心病即腎病也而腎着之病即中寒所傷。

五藏風寒十五

脾中風者翕翕發熱形如醉人腹中煩重皮目瞶瞶而短氣。

脾爲濕土脾中風者濕鬱爲熱故形如醉人脾位在腹故腹中煩重熱盛則煩濕盛則重也土濕則木鬱而生風故皮日腠動脾土鬱滯肺金莫降是以短氣

五藏風寒十六

脾死藏浮之大堅按之如覆杯潔潔狀如搖者死。

脾死藏者脾之眞藏脈也已土升於離位則清氣在上戊土降於坎中則濁氣在下清升濁降中氣冲和是以脈見關上其象爲緩若浮之大堅是戊土之壅而不降也按之如覆杯之使潔潔狀如搖動者是已土之滯而不升也

法按

浮爲在表，沉爲在裏。府者裏中，之表藏者裏中之裏，故宜重按。傷寒脈法所謂數脈見於關上，上下無頭尾如豆大，厥厥搖動者是也。平人氣象論死脾脈來銳堅如烏之喙，如烏之距曰脾死。玉機真藏論諸真藏脈見者皆死不治也。五藏者皆稟氣於胃，胃者五藏之本也。藏氣者不能自至於手太陰，必因於胃氣，乃至於手太陰也。故五藏各以其時自胃而至於手太陰，邪氣勝者精氣衰也，病甚者胃氣不能與之俱至於手太陰，故真藏之氣獨見，獨見者病勝藏也，故曰死。

五藏風寒十七

問曰三焦竭部上焦竭善噫何謂也師曰上焦受中焦氣未和不能消穀故爲噫耳下焦竭卽遺溺失便其氣不和不能自禁制不須治久則愈

噫上介切音呃說文飽食息也廣韻噫氣禮內則不敢噫噫噎咳

三焦各有其部三焦竭部者三焦竭其本部之氣也上焦清氣竭則濁氣上逆而爲噫緣上焦受氣於中焦中焦燥溼之氣未和不能消穀土氣鬱滯濁陰不降故上焦痞悶而爲噫耳下焦腎氣虧竭無以約束便溺卽遺溺而失便以其陽根升泄陰孤於下其氣不和不能自禁制失二便也不須治之久而陽氣降和則愈矣

此寒氣之傷於三焦而內寒者

五藏風寒十八

師曰熱在上焦者因欬爲肺痿熱在中焦者則爲消穀而便
堅熱在下焦者則尿血亦令淋閉不通大腸有寒者當鹺溼
有熱者便腸垢小腸有寒者其人下重便血有熱者必痔
熱在上焦者因欬嗽而爲肺痿熱在中焦者則爲消穀而
便堅熱在下焦者則爲木陷而尿血亦令淋閉而不通緣
土濕木陷鬱生下熱風木疏泄而水不能藏則爲尿血寒
水閉藏而木不能泄則爲淋閉也此風氣之傷於三焦而內熱者若夫大
腸有寒者多如鴨鶩之溏泄有熱者脂膏腐爛而便腸垢

小腸有寒者肝脾淫陷下重而便血有熱者肛門腫結而爲痔。此於下焦之中分別寒熱。

五藏風寒十九

趺陽脈浮而濇浮則胃氣強濇則小便數浮濇相搏大便則堅其脾爲約麻仁丸主之

趺陽胃脈足趺上之衝陽也陽盛則脈浮浮則胃氣強壯也血虛則脈濇濇則風木疏泄而小便數也浮濇相合土燥木枯大便則堅其脾氣爲之約結不舒而糞如羊矢麻仁丸麻仁杏仁杏仁潤燥而滑腸芍藥大黃清風而泄熱厚樸

枳實行滯而開結也。此熱在中焦則為堅者。

麻仁丸

麻子仁二升 芍藥半升 杏仁一升熬 大黃一斤去皮厚模尺

去皮枳實一斤

右六味末之煉蜜和丸桐子大。飲服十丸。日三服。漸加。以知為度。

積聚二十

問曰病有積有聚有聚氣何謂也。師曰積者藏病也。終不移。聚者府病也。發作有時。展轉痛移。為可治。聚氣者脇下痛。按

之則愈。復發為榮氣。

病有積有聚。有榮氣積者。五藏之病也。藏為陰。其性靜。故終不遷移。難經。藏病者止而不移。其病不離其處。聚者。六府之病也。府為陽。其性動。故發作有時。展轉痛移。此為可治。難經。府病恍惚無常。榮氣者穀氣也。水穀不消。中氣鬱滿。木氣抑遏。故脇下作痛。按之鬱閉。則愈。舉手復發。是為榮氣。此風寒之傷於藏府而成積聚者也。

積聚二十一

諸積大法。脈來細而附骨者。乃積也。寸口積在胸中。微出寸

口。積在喉中。關上。積在臍旁。上關上。積在心下。微下關。積在少腹。尺中。積在氣衝。脈出左。積在左。脈出右。積在右。脈兩出。積在中央。各以其部處之。

診諸積之法。脈來細而附骨者。乃積也。見於寸口。則上而積在胸。微出寸口。則更上而積在喉中。見於關上。則中而積在臍旁。上於關上。則上而積在心下。微下於關。則下而積在少腹。見於尺中。則下而積在氣衝。脈出於左。積在左。脈出於右。積在於右。脈左右兩出。積在中央。各以其上下左右之部處之。五十六難。肝之積曰肥氣。在左脇下。如覆

孟有頭足。心之積曰伏梁起臍上大如臂。上至心下。脾之積曰痞氣在胃脘。覆大如盤。肺之積曰息賁在右脇下。覆大如孟。腎之積曰黃豚發於少腹。上至心下。若豚狀。或上或下。無時。此五積之部也。此就積聚分三焦之部。

積聚者。風寒之所成也。蠱癘百病始生。夫百病之始生也。皆起於風雨寒暑。清溼喜怒。喜怒不節。則傷藏。風雨則傷上。清溼則傷下。是謂三部。虛邪之中人也。始於皮膚。皮膚緩則腠理開。開則邪從毛髮入。入則抵深。深則毛髮立。毛髮立則淅然。故皮膚痛留而不去。則傳舍於絡脈。在絡之

時痛於肌肉其痛之時息大經乃代留而不去傳舍於經
在經之時洒淅善驚留而不去傳舍於輪在輪之時六經
不通四肢則肢節痛腰脊乃強留而不去傳舍於伏衝之
脈在伏衝之時體重身痛留而不去傳舍於腸胃在腸胃
之時黃嚕腹脹多寒則腸鳴飧泄食不化多熱則澹出糜
留而不去傳舍於腸胃之外募原之間留著於脈稽留而
不去息而成積或者孫脈或者絡脈或者經脈或者輪脈
或者著於伏衝之脈或者著於膺筋或者著於腸胃之募原上連
於緩筋邪氣淫泆不可勝論其著孫絡之脈而成積者其

積往來上下臂手孫絡之居也。浮而緩不能勾積而止之。故往來移行腸胃之間。水溲滲注灌濯濯有聲有寒。則腹脹滿雷引。故時切痛。其著於陽明之經。則挾臍而居。飽食則益大。肌則益小。其著於緩筋也。似陽明之積。飽食則痛。飢則安。其著於腸胃之募原也。痛而外連於緩筋。飽食則安。肌則痛。其著於伏衝之脈者。揣之應手而動。發手則熱。氣下於兩股。如湯沃之狀。其著於脅筋。在腸後者。飢則積見。飽則積不見。接之不得。其著於輸之脈者。閉塞不通。津液不下。孔竅乾壅。此邪氣之從外入內。從上下也。積之始

生得寒乃生厥乃成積也。厥氣生足悞。悞生脛寒。脛寒則血脈凝滯。血脈凝滯則寒氣上入於腸胃。入於腸胃則腹脹。腹脹則腸胃之汁沫迫聚不得散。日以成積。卒然多食飲則腸滿。起居不節。用力過度則絡脈傷。陽絡傷則血外溢。血外溢則衄血。陰絡傷則血內溢。血內溢則後血。腸胃之絡傷則血溢於腸外。腸外有寒。汁沫與血相搏。則並合凝聚不得散。而積成矣。卒然外中於寒。若內傷於憂思則氣上逆。氣上逆則六輸不通。溫氣不行。凝血蘊裏而不散。津液滯滲。着而不去。而積皆成矣。憂思傷心。重寒傷肺。忿

怒傷肝。醉以入房。汗出當風。則傷脾。用力過度。若入房汗出。浴則傷腎。此內外三部之所生病者也。風寒積聚之義如此。

金匱懸解卷三

外感雜病

昌邑黃元御坤載著

中風歷節

中風歷節之病皆內傷濕寒而外感風邪者也。溼寒流關節而傷筋骨則病歷節。濕寒侵藏府而注經絡則病中風。風爲陽邪其傷在上，溼爲陰邪其傷在下。中風未嘗不病足，然究竟足輕而手重，歷節則全在足而不在手。蓋中風之家陽虛溼旺，上下表裡無處不傷，故手足皆病，歷節之家中上二焦猶可支持，寒溼獨甚於下，故足病而手無恙。

也中風之病仲景未嘗立法然桂苓朮甘茯苓四逆八味
腎氣之方皆中風必須之法卽有上焦煩躁之症而中下
溼寒則無不悉同上部稍清卽宜大用溫燥不可久服陰
藥也

中風一

夫風之爲病當半身不遂或但臂不遂者此爲痺脈微而數
中風使然痺必至切音鬼說久注病也

風之爲病或中於左或中於右手足偏枯是以半身不遂
其初先覺麻木麻木者氣滯而不行也肺主氣而血中之

溫氣實爲肺氣之根右麻者肺氣之不行左麻者肝氣之不行麻之極則爲木氣鬱於經絡之中阻滯不運衝於汗孔較較靡盬狀如亂針微刺之象是謂之麻久而氣閉不通肌肉頑癢痛癢無覺是謂之木靈樞決氣上焦開發宣五谷味熏膚充身澤毛若霧露之溉是謂氣物之潤澤莫過於氣筋脈之柔而不枯者氣以煦之血以濡之也血隨氣動氣梗則血淤氣血雙阻筋膜失養一被外風乘襲而內風感應則病偏枯內風者厥陰風木之氣也氣鬱而血凝血凝而木鬱風傷衛氣遏遏營血木氣愈鬱木鬱風生

精血傷耗筋脈焦縮故病偏枯其在經絡未嘗非燥而在藏府則全是溼緣溼土壅滿肺金不得降斂故氣阻而生麻肝木不得升達故血鬱而生風而濕土之由全因腎水之寒水寒土溼此金木壅鬱之原也若或但一臂不遂者此爲痺非風也痺者風寒溼三者合而痺其血脈也若脈微而數則中風使然矣風因虛中是以脈微風動而不息是以脈數風隨八節而居八方冬至在北夏至在南春分在東秋分在西立春東北立夏東南立秋西南立冬西北靈樞九宮八風風從其所居之鄉來爲實風主生長萬物

從其衝後來爲虛風傷人者也。主殺主害故聖人避風如
避矢石焉。其有三虛而偏中邪風則爲擊仆偏枯矣。歲露
論乘年之寒逢月之空失時之和因爲賊風所傷是謂三
虛。

中風二

寸口脈浮而緊緊則爲寒浮則爲虛寒虛相搏邪在皮膚浮
者血虛脈絡空虛賊邪不瀉或左或右邪氣反緩正氣卽急
正氣引邪喎僻不遂邪在於絡肌膚不仁邪在於經卽重不
勝邪入於府卽不識人邪入於藏舌卽難言口吐涎

寸口脈浮而緊，緊則爲寒，浮則爲虛。寒虛相搏，則邪在皮膚，而爲中風。蓋緊者，營血之寒；浮者，營血之虛。肝木藏血，而胎君火，火者，血中溫氣之所化也。溫氣不足，故營血虛寒。而脈見浮緊，血虛寒甚，則木鬱而風動，是以脈浮。絡脈空虛，一被外風感襲，則內風鬱發，而爲賊邪，不得外泄，或入於左，或入於右，隨其正氣之偏虛而中之，無一定也。邪氣之所在，氣留而血歸之，氣血去正而歸邪，則邪氣反緩。而正氣卽急，正氣緊急而引其邪氣，則邪處之筋長，正處之筋短。鼻口喎僻而不遂，素問謬刺論：邪中於經，左盛則

右病右盛則左病也邪氣淺在於絡卽肌膚痹着而不仁
邪氣次在於經卽身體遲重而不勝邪氣內入於府則胃
土上逆濁氣熏蒸化生痰涎堵塞心竅卽昏愒不能識人
邪氣內入於藏則脾土下陷筋脈緊急牽引舌本卽蹇澀
不能言語上太陰脾脈連舌本脾敗不能攝涎卽口角涎流府邪必
歸於胃藏邪必歸於脾以胃敗而後邪侵於府脾敗而後
邪侵於藏也中氣之病由於土溼土溼則木鬱而風動以
風木而賊溼土胃逆則神迷脾陷則言拙是皆中氣之敗
也。

中風三

寸口脈遲而緩遲則爲寒緩則爲虛營緩則爲亡血衛緩則爲中風邪氣中經則身癢而癰疹心氣不足邪氣入中則胸滿而短氣。

寸口脈遲而緩遲則爲中氣之寒緩則爲營衛之虛營緩則爲裡虛而亡血衛緩則爲表虛而中風邪氣中於經絡風以泄之而衛氣愈歛閉遏營血不得外達則身癢而生癰疹癢者氣欲行而血不行也血鬱外熱發於汗孔之外則成紅斑衛氣外歛不能透發紅點隱見於皮膚之內是

謂癰疹營氣幽鬱不得暢泄是以身癢若心氣不足邪氣乘虛而入中壅遏中氣則胸膈脹滿而短氣不舒也

歷節一

寸口脈沉而溺沉則主骨弱則主筋沉卽爲腎弱卽爲肝汗出入水中如水傷心歷節痛黃汗出故曰歷節。

寸口脈沉而弱沉則主骨腎主骨故沉卽爲腎肝主筋而脈弱故弱卽主筋沉卽爲腎骨屬於腎也弱則爲肝筋屬於肝也此緣汗出而入水中如使水傷心氣則水邪隨脈而注筋骨以心主脈也筋骨既傷則歷節作痛以諸筋皆

屬於骨節而濕邪傳流於關節也。溼蒸皮毛，黃汗乃出。緣脾主肌肉，其色爲黃，濕漬肌肉，木氣不達，木主五色，入土化黃也。

歷節二

趺陽脈浮而滑，滑則穀氣實，浮則汗自出。少陰脈浮而弱，弱則血不足，浮則爲風，風血相搏，卽疼痛如掣。

疼音騰痛也。

趺陽脈浮而滑，滑則爲陽盛，而穀氣實，浮則爲氣蒸，而身汗出。少陰脈浮而弱，弱則爲營血之不足，浮則爲風邪之外中。風邪與血虛相合，卽筋骨疼痛如掣。趺陽胃脈，少陰

腎脈腎水温升則生肝木而化營血水寒不能生木是以血虛血中溫氣實胎君火血虛則溫氣不足最易感召陰邪水冷血寒鬱格陽明胃氣不得下行故穀氣益泄自汗常出水溼之邪入於汗孔流注關節之中內與肝腎之寒合傷筋骨復得風邪外閉寒濕鬱發卽筋骨掣痛而病歷節水暖血溫不得作此痛也

歷節三

盛人脈澁小短氣自汗出歷節痛不可屈伸此皆飲酒汗出當風所致。

肥盛之人營衛本盛旺忽然脈候澁小短氣自汗歷節疼痛不可屈伸此皆飲酒汗出當風感襲皮毛所致風性疏泄故自汗出風泄而衛閉故脈澁小經脈閉澁肺氣不得下達故氣道短促素問飲酒中風則爲漏風以酒行經絡血蒸汗出益以風邪疏泄自汗常流是爲漏風汗孔不合水濕易入此歷節傷痛之根也。

歷節四

味酸則傷筋筋傷則緩名曰泄緩則傷骨骨傷則痿名曰枯枯泄相搏名曰斷泄營氣不通衛不獨行營衛俱微三焦無

所抑。四屬斷絕。身體羸瘦。獨足腫大。黃汗出。脛冷。假令發熱。便爲歷節也。

肝主筋。其味酸。味酸則傷筋。傷筋則緩弱。不振。其名曰泄。腎主骨。其味鹹。味鹹則傷骨。傷骨則痿軟不堅。其名曰枯。枯泄相合。筋骨俱病。名曰斷泄。言其真氣斷絕於內。而疏泄於外也。筋骨者。營衛之所滋養。營虛血澁。經脈不通。則衛氣不能獨行。營衛俱微。無以充灌。三焦無所仰賴。以致四肢失秉。斷絕不通。身體羸弱。獨足腫大。黃汗出。而脛自冷。假令發熱。便是歷節也。黃汗之病。兩脛自冷。以其內熱。

不能外發也。歷節之病，兩脛發熱，以其內寒，鬱格陽氣也。

歷節五

諸肢節疼痛，身體尪羸，脚腫如脫，頭眩，短氣，溫溫欲吐，桂枝芍藥知母湯主之。

諸肢節疼痛，身體尪羸，脚腫如脫，頭眩，短氣，溫溫欲吐者，濕傷關節，則生疼痛，營衛不行，則肌肉瘦削，濁氣阻隔，陽不下根，則生眩暈，氣不降斂，則苦短促，胃氣上逆，則欲嘔吐。桂枝芍藥知母湯，朮甘培土以制陰邪，附子煖水而驅寒濕，知母生薑清肺而降濁氣，芍桂麻黃防風通經而開

痺塞也。

桂枝芍藥知母湯

桂枝

四兩

芍藥

三兩

麻黃

二兩

防風

四兩

甘草

二兩

白朮

四兩

生薑

五兩

知母

四兩

附子

二兩

炮

右九味以水七升煮取二升溫服七合日三服。

歷節六

病歷節不可屈伸疼痛烏頭湯主之。

溼寒傷其筋骨則疼痛不可屈伸烏頭湯甘草芍藥培土而滋肝黃耆麻黃通經而泄溼烏頭開痺而逐寒也。

烏頭湯

烏頭五枚 咬咀以蜜二升 炙甘草三兩 芍藥三兩

黃耆三兩 麻黃三兩

右五味咬咀四味以水三升煮取一升去渣內蜜煎中更煮之服七合不知盡服之亦治腳氣疼痛不可屈伸

咬音府
嚼也。

附方

千金礬石湯 治腳氣衝心

礬石二兩

右一味以漿水一斗五升煎三五沸浸脚良

崔氏八味丸

治脚氣上入少腹
不仁方在消渴

按中風之病仲景未嘗立法其證與八味甚合崔氏以
之治歷節腳氣若以治中風則妙甚矣